



Inatsisartunut ilaasortaq
Naaja H. Nathanielsen
Inuit Ataqatigiit

Naalakkersuisuusimasut tusagassiutinut 2014-imi tapiissuteqarnissamut itigartitsinerannut apeqqutinut akissutit

Asasara Naaja

Qujanaq apeqquteqaatinnut Naalakkersuisuusimasut 2014-imi tusagassiutinut tapiissuteqarnissamut itigartitsinerat pillugu.

- 1) *Siulittaasup naalakkersuisoqarfiani pisortap 2014-imut tusagassiorfinnut tapiissutip tunniunneqarusunnginneranut atatillugu "tunngavilersugaallunilu unioqqutitsisuunnginneraalluni" oqaaseqarneranut Naalakkersuisut isumaqataappat?*

Akissut: Naalakkersuisut tunngavissaqartingilaat issuaaneq pineqartoq eqqortuusooq qularutigissallugu.

Naalakkersuisut tamatumunnga ilaliullugu maluginiarsimavaat taamani tapiissuteqarnissamut tunngaviusooq taamaallaat aningaasartuutissanut missingersuusianut oqaasertaliussamik tunngaveqartoq, aammalu immikkut oqaasertaliussanik inatsisitut naleqartunik pinnani. Taamaattumik eqikkaasoqartariaqarpoq Naalakkersuisuusimasut inatsisitigut pisussaaffeqarsimanngitsut tapiissutinik tunniussinissaminnut.

Taamaakkaluartoq Naalakkersuisut ilutigisaanik nalilerpaat taamani Naalakkersuisuusimasut pissutsit taamani atuuttuusut tunngavigalugit allatut aalajangiisimasinnaagaluartut, taamani tapiissuteqartarnermut tunngaviusut pingaarnerit allatut oqimaalutarsimagaluarunikkit.

Tapiissutinik tunniussinissamut inatsisitigut tunngaviusumik pisussaaffeqarsimannginneq aallaavigalugu Naalakkersuisut ilalersinnaavaat oqaaseqarnek taamani aalajangernerup inatsisitigut tunngavissaqassusia pillugu.

- 2) *2014-mut tusagassiorfinnut tapiissutip tunniunneqarusunnginneranut aalajangiinerup tunngavilersugaallunilu unioqqutitsisuunnginneraanermut atatillugu tamanna illup iluani avataanniillu inatsisitigut naliliiffigineqarsimava? Taamaassimappallu naliliinerup tamassuma kopiiyanik periusuppunga. Naliliineq e-mailikkut, oqaaseqaatikkut assigisaatigulluunniit pisimappat kopiiyanik perusuppunga.*

23-06-2015
Sags nr. 2015-1991
Dok. nr. 480050

Postboks 1029
3900 Nuuk
Tlf: +299 34 50 00
Fax +299 32 20 73
Email: iknn@nanoq.gl
www.nanoq.gl

Akissut: Tamatumunngalu tunngatillugu paasissutissiissutigineqassaaq suliami illup iluani inatsisilerinikkut naliliisoqarsimammat. Illullu iluani paasissutissaatitulli allatut pissutissaqartinneqanngilaq taakkua kopernissaat, akissuteqaammut ilanngullugit.

- 3) *Kingorna tusagassiorfinnut tapiissutip tunniunneqannginnissaanut tunngasoq tunngavilersugaanngitsutut inatsisinillu malinninngitsuusutut akuerineqassappat taava 2014-imut tusagassiorfinnut tapiissutip tunniunneqarnissaanut Naalackersuisut Aningaasaqarnermut ataatsimiititaliamut immikkut aningaasaliissutissamik qinnuteqarniarpat*

Akissut: Tunngaviliunneqarmat 2014-imi tusagassiutinut tapiissuteqarnissamut itigartitsineq inatsisilik uniuinertut saqqummiunneqarsinnaanngitsaq, inatsisitigut tigussaasumik pisussaaffeqarsimangimmat tapiissutissat pineqartut 2014-imi tunniunneqarnissaannut, tunngavissaqartinneqanngilaq iliuuseqassalluni pineqartut utimoortumik aaqqiivigineqarnissaannut.

Tamatumunngalu atatillugu aalajangiisuvoq taamani Naalackersuisuusut aalajangererat inatsisilik unioqqutitsinerusutut oqaatigineqarsinnaanngimmat, taamaattumillu utimoortumik aaqqiissuteqarnissamut pissutissaqarani.

- 4) *Naalackersuisut isumaat naapertorlugu Aningaasanut inatsisip aningaasaliissutissanut allassisortai ataasiakkaat missingersuutaappat? Budgetlovemi § 11-mi allassimagaluarpoq missingersuusianut ilaatitat Aningaasanut inatsimmi oqaasertaliussatut nassuiaatitut*

Akissut: Naalackersuisut isumaqarput aningaasaliissutissanut missingersuusiani oqaasertaliussat apeqqutip qanoq paasineqarnissaanik naliliinermi ilaatinneqarsinnaasoq. Aningaasartuutissanulli missingersuusianut ilaliussaq pineqartoq nammineerluni tunngavissatut inissisimangilaq. Tamatumunngalu atatillugu innersuunneqarsinnaavoq missingersuusiornermut inatsimmi § 11, imm. 2 aamma 3 imminnut sammisut, taakkunani ersimmat suna aningaasanut inatsimmi inatsisit oqaasertaattut inissisimangersoq.

- 5) *Pisaq pillugu Inatsisartut inatsisilerituuisa inatsisitigut nalilersuutaat Naalackersuisunit tiguneqarsimava, taamaappallu Naalackersuisut sutigut naliliinermut isumaqataannginnerlutik paasissutissiissutigisinnaavaat*

Akissut: Naalackersuisut inatsisilerinikkut naliliineq pineqartoq tigusimangilaat.

- 6) *Inatsisartut Siulittaasuut naalackersuisoqarfiup tusagassiorfinnut tapiissummut suliarinninnera kusanaatsuunerarlugu AG-mi oqaaseqarpoq. Peqatigitillugulu taamatut suliaqarneq siunissami ileqquliunneqassanngitsaq neriulluni oqaatigivaa. Inatsisartut siulittaasuannit naliliinermut taamaattumut Naalakkesuisut isumaqataanngillat?*

Akissut: Naalackersuisut isumaqarput tapiissutinik tunniussisarnermi malittarisassat ersarissut sulianik akimut ersittunik pilersitsisartut, sullissinermillu eqaatsumik aamma.

Taamaattumillu maanna Naalakkersuisuusut tunngavilliisimapput
nalunaarusiornissamat, tassanilu ersarissumik tapiissuteqartarnermut tunngavissanik
aalajangersaasoqassammat kontomit pingaarnermit 40.94.28 Nunatsinni
tusagassiutinut naqitanut tapiissutiniit tapiissuteqartarnermut tunngatillugu.

Inussiarnersumik inuulluaqqusillunga


Nivi Olsen